

Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 4002
fax. +387 33 726 423
e-mail: info@voda.ba

Broj: **UP-1/21-3-40-570-5/23**
Datum: **19.03.2024. god.**

„Agencija za vodno područje rijeke Save“ Sarajevo rješavajući po zahtjevu pravnog lica „ERAX-INVEST“ d.o.o. Banovići, za donošenje rješenja o vodnoj dozvoli za ispuštanje oborinskih onečišćenih otpadnih voda (tehnoloških otpadnih voda) u prirodni recipijent sa lokacije pogona za proizvodnju metalnih konstrukcija izgrađenog u naselju Gornja Višća, općina Banovići, na osnovu člana 139. stav (1) tačka 3. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi

RJEŠENJE o vodnoj dozvoli

1. Pravnom licu „ERAX-INVEST“ d.o.o. Banovići daje se vodna dozvola za ispuštanje oborinskih onečišćenih otpadnih voda (tehnoloških otpadnih voda) u prirodni recipijent sa lokacije pogona za proizvodnju metalnih konstrukcija izgrađenog u naselju Gornja Višća, općina Banovići, na zemljištu označenom kao k.č. broj: 2047/15 K.O. Živinice Gornje.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene tehničke i druge dokumentacije, izvršenog uviđaja na lokaciji objekta i priloženim dinamičkim planom i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da se, u skladu sa dostavljenim dinamičkim planom ovjerenim i potpisanim od strane odgovornog lica podnosioca zahtjeva, a koji je sastavni dio ovog Rješenja, do 12.03.2024. godine u potpunosti realizuju radovi na prikupljanju i tretmanu otpadnih voda sa pogona za proizvodnju metalnih konstrukcija firme „ERAX-INVEST“ d.o.o. Sarajevo, a sve u skladu sa projektnom dokumentacijom: Glavni projekat (izmjene i dopune glavnog projekta) prikupljanja, tretmana i ispuštanja otpadnih voda sa lokacije poslovnog objekta za proizvodnju metalnih konstrukcija firme „ERAX-INVEST“ d.o.o. Banovići, urađen od strane „SPREČA“ d.d Tuzla, kako slijedi:

R.B	Naziv aktivnosti	Finansijska procjena za realizaciju aktivnosti	Rok za realizaciju aktivnosti
1.	Izrada podloge za prikupljanje nekontrolisanog izlivanja nafte	2.300,00	30.04.2024.
2.	Zemljani radovi za iskop jame za separator i kanala za polaganje odvodnih cijevi, ugradnja tampona	3.500,00	31.05.2024.
3.	Betonski radovi na podlozi za separator i betoniranje taložnika	4.500,00	30.06.2024.
4.	Nabavka i montaža plastičnih rebrastih kanizacionih cijevi	9.000,00	31.05.2024.
5.	Nabavka i ugradnja separatora za prečišćavanje otpadnih voda	25.000,00	31.08.2024.
6.	Izrada nadstrešnice i slivnika za prijem onečišćenih voda iz boxova za uglja	6.400,00	31.05.2025.
7.	Priprema platoa i Izrada tamponskog sloja 0-64mm d= 30 cm II dio	7.200,00	31.7.2025
8.	Asfaltiranje platoa asfaltom BNHS 22 d=8cm II dio	16.800,00	31.7.2025

- 3.3. U skladu sa članom 26. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 26/20, 96/20 i 1/24) nosilac prava iz ove vodne dozvole dužan je izvještavati AVP Sava i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, prvi put najkasnije do 31.12.2024. godine, a drugi put najkasnije do 30.06.2025. godine na obrascu iz Priloga B navedene Uredbe.
- 3.4. Korisnik poslovnog objekta za sve vrijeme trajanja ove vodne dozvole, mora obezbjediti da se oborinske onečišćene vode sa saobraćajnih i manipulativnih površina zajedno sa tehnološkim otpadnim vodama nastalim u krugu pogona (deponije kamenog agregata i uglja) nesmetano prikupljaju sistemom slivnih rešetki i kanalizacione mreže te odvedu do uređaja za prečišćavanje onečišćenih voda (taložnik, tipski separatora ulja i naftnih derivata), a zatim preko okna za monitoring odvedu do najbližeg recipijenta.
- 3.5. Skladištenje nafte i naftnih derivata vršiti u čeličnom nadzemnom rezervoaru ukupne zapremine $V=20\text{ m}^3$.
- 3.6. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane članom 14. i članom 15. Uredbe o uslovima ispuštanja otpadnih voda u okoliš i sisteme javne kanalizacije.
- 3.7. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 19. i 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- Izvjestaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti („Službene novine Federacije BiH”, broj 14/10, 14/13, 26/14, 23/17 i 41/20).
- 3.8. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.
- 3.9. Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
- 3.10. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
- 3.11. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.12. Osigurati priručna sredstva za brzu intervenciju u slučaju nekontrolisanog rasipanja opasnog otpada i isticanja naftnih derivata, kako bi se spriječilo moguće onečišćenje voda i tla.
- 3.13. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i

- kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07 - 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole, Investitor, odnosno korisnik objekta „ERAX-INVEST” d.o.o. Banovići je dužan provoditi sve mjere i aktivnosti propisane istom.
 6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
 7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
 9. Ova vodna dozvola, shodno članu 26. stav 1. Uredbe o uslovima ispuštanja otpadnih voda u okoliš i sisteme javne kanalizacije se daje sa rokom važenja 30.06.2026.
 10. Prije isteka važnosti ove dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.
 11. Uslov za izdavanje nove vodne dozvole je ispunjenje uslova iz dispozitiva ovog Rješenja.

Obrazloženje

Pravno lice „ERAX-INVEST” d.o.o. Banovići, obratio se ovoj Agenciji sa zahtjevom za ispuštanje oborinskih onečišćenih otpadnih voda (tehnoloških otpadnih voda) u prirodni recipijent sa lokacije pogona za proizvodnju metalnih konstrukcija izgrađenog na zemljištu označenom kao k.č. broj 2047/15 K.O. Živinice Gornje.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Ovjerena kopija rješenja o izmjenama podataka u sudski registar, kod subjekta upisa «ERAX-INVEST» d.o.o. Banovići, izdatog od strane Općinskog suda u Tuzli;
- Ovjerena kopija uvjerenja o poreznoj registraciji za „ERAX-INVEST” d.o.o. Banovići od 30.06.2009. godine izdatog od strane Porezne uprave Kantonalni porezni ured Tuzla;
- Ovjerena kopija uvjerenja o registraciji/upisu u Jedinstveni registar obveznika indirektnih poreza za „ERAX-INVEST” d.o.o. Banovići, broj: 04/1-17-1-32201-10/09 od 06.07.2009. godine izdato od strane Uprava za indirektno-neizravno oporezivanje Banja Luka;
- Kopija Rješenja o upotrebnoj dozvoli izdata od strane Službe za prostorno planiranje i komunalne poslova Općine Živinice broj: 05/3-23-1910/15 od 15.06.2015. godine;
- Glavni projekat (izmjene i dopune glavnog projekta) prikupljanja, tretmana i ispuštanja otpadnih voda sa lokacije poslovnog objekta za proizvodnju metalnih konstrukcija firme „ERAX-INVEST” d.o.o. Banovići, urađen od strane „SPREČA” d.d Tuzla (na uvid);
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH” broj 31/15, 55/19, 41/20 i 63/22), ovaj organ je pokrenuo upravni postupak, te je dana 15.02.2024. godine izvršen pregled objekata, o čemu je sačinjen Zapisnik o uvidaju broj: UP-1/21-3-40-570-2/24.

Na osnovu dostavljene dokumentacije i izvršenog uvida na predmetnoj lokaciji utvrđeno je slijedeće:

Pogon za proizvodnju metalnih konstrukcija sastoji se od slijedećih cjelina: upravne zgrade, nadstrešnice, proizvodnog pogona, kolske vage, boksova za ugalj. Vanjsko uređenje predmetnog poslovnog objekta čine: manipulativne saobraćajnice unutar kruga firme, parking prostor, nadzemni rezervoari za naftu, vanjski radni plato i zelene površine.

U procesu proizvodnje metalnih konstrukcija ne koristi se voda, niti u procesu proizvodnje nastaju tehnološke otpadne vode. Oborinske onečišćene vode (tehnološke otpadne vode) koje nastaju u krugu proizvodnog pogona (deponije pijeska, boksovi uglja i pretakalištu naftnih derivata) slobodno otiču po okolnom terenu (manipulativni prostor je nasut šljunkom, nije asfaltiran).

Skladištenje nafte i naftnih derivata se vrši u čeličnom nadzemnom rezervoaru ukupne zapremine 20 m³.

Od podnosioca zahtjeva je u skladu sa Uredbom o izmjenama i dopunama Uredbe o uslovima ispuštanja otpadnih voda u okoliš i sisteme javne kanalizacije («Sl. novine Federacije BiH», broj: 1/24), zapisnikom broj: UP-1/21-3-40-570-2/24 od 14.02.2024. godine zatraženo da dostavi detaljan dinamički plan ulaganja za realizaciju radova na ispunjenju tačaka 3.1., 3.2. i 3.3. Rješenja o vodnoj dozvoli broj: UP-1/21-3-40-609-6/21 od 24.02.2022. Podnosilac zahtjeva je dana 12.03.2024. godine putem pošte dostavio traženi dinamički plan sa spiskom aktivnosti i mjera sa finansijskom procjenom za ulaganje, te rokove u kojima će pravni subjekt realizirati pojedine aktivnosti. Dostavljeni dokument koji je sastavni dio spisa je poslužio za definiranje uslova iz tačke 3.2. ovog rješenja.

Na osnovu uvida u dostavljeni dinamički plan utvrđeno je sljedeće:

Krajnji rok za realizaciju svih radova predviđenih dostavljenom projektnom dokumentacijom (Glavni projekat (izmjene i dopune glavnog projekta) prikupljanja, tretmana i ispuštanja otpadnih voda sa lokacije poslovnog objekta za proizvodnju metalnih konstrukcija firme „ERAX-INVEST“ d.o.o. Banovići, urađen od strane „SPREČA“ d.d Tuzla) je 31.07.2025. godine.

Rokovi za realizaciju pojedinih aktivnosti iz dostavljenog dinamičkog plana koji je sastavni dio ovog rješenja su navedeni u tački 3.2. dispozitiva.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije. Tačkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07).

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13)


Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za ispuštanje oborinskih onečišćenih otpadnih voda, te je riješeno kao u dispozitivu ovog Rješenja.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Mehó Čaušević, Bsc.ing.građ

Po ovlaštenju
Rukovodilac sektora za izdavanje vodnih akata

Haris Ališehović, dipl.ing.građ.

Dostaviti:

- „ERAX-INVEST“ d.o.o Banovići, ul. Željeznička br. 3, 75290 Banovići
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava